



ATASSUT

10. Oktober 2019

Siverth K. Heilmann

UKA 2019/36-1

Arferit angisuut nunatsinnut pisassiissutaasartut tamakkerneqarneq ajornerat pillugu aammalu tamakkerlugit pisarineqannginnerannut aporfiusartut qanoq iliuseqarnikkut piarneqarsinnaanersut pillugu Naalackersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Nalunaarusiaq kingusinnerpaamik UKA 2020-imi saqqummiunneqartussanngorlugu.

(Inatsisartunut ilaasortaq Nikkulaat Jeremiassen, Siumut)

Siullermik Inatsisartuni ilaasortaq Nikkulaat Jeremiassen Siumut qujanaq siunnersuuteqarninnut soqutiginarumullu, imatullu Atassut-miit oqaaseqarfigissavarput.

Siunnersuuteqartoq tunngavilersuuteqarnermigut ilumoorluinnarpoq, sineriarujussuatsinni atorluangisatsinnik aalisagarpassuaqarmat tunisassiarineqarsinnaagaluartunik. Taamaattumik aalisariaatsinut nutaanut ikaarsaarumasut, periarfissaannik, tunitsiveqarnissaannut, aningaasarsiornerunissaannullu ilanngullugit, politikkikkut aqutissiuussisariaqarnerput Atassut-miit aalajangiusimalluinnarlugu tunngaviagut taperserujussuarparput.

Qalerallit, raajat, saarulliit il il kisimik imartarujussuatsinni alisagaanngillat. Ukiorpassuarni piffinni assigiinngitsuni aalisarnermi tattoqisaaffiusumik, nungusaataanngitsumik aalisartoqarnissaanillu oqariartuuterpassuit imaaginnavittarput. Atassut-ip qulakkeerusuttuarpaa peqassuseq aamma illersorusullugu, aalisarneq siaarnerullugu aalisartitsinissaq aalisakkallu qaqinneqartartut tamarmik tunisassiarineqarsinnaasariaqartut pikkoriffiginerusariaqaripput.

Siunnersuuteqartup qulequtsiinnermini pingaarnertut tikkuarpai arferit angisuut tamakkerlugit nungunneqarneq ajortut. Inuussutissarsiuutitta pingaarnersaanni, killilersugaannguaratik aalisagarpassuarnik peqassutsimut sunniuteqaqalutik nerisaqartarneri ilisimatuussutsikkut nalunaarutigineqartartut.

Pingaartumik qipoqqaat, angalasunut navialisitsiinnartaratik ammali bundgarnersornerup nalaani tillinniarnermiinni annertuumik aseruisartut. Kigutilissuit avataasiortut ningittagarsoneranni pisaannik nerisaqartarnerat ilanngartuutaanera tikkuarneqartaqaaq.

Arferit angisuuniik mikinerumaallu pisassiissutaasut nungunneqanngitsoortarneri, pinngortitap aqutsineranik kinguneqartarpoq, taamaattumillu ilaatigut soorlu tikaagullinnik il il ukiakkuunerusoq paggatassiisoqartarpoq.

Immitsinnut pilersornerunissap saniatigut avammut tunisassiornerulernissamik politikkikkut oqariartuuteqartuarpugut pimoorukkutsigu Atassut-miit isumaqarpugut siunertarlu iluatsissagutsigu inuussutissalerinermut akisussaaffik qallunaat nunaanniit angerlaanneqarnissaa tigusariaqarparput ataavartumillu tunisassiornissamut inatsisiliornitsigut naleqqussarfigalugit.



Umimmaat tuttullu, piniartunik pizarreqartunik Kangerlussuup qinnguani ajunngivissumik tunitsiveqarpugut, tunisassiornerullu nalaani uumasut nakorsaannik peqataaffigineqartartumik.

Tusassiorneq annertusarniarutsigut siunnersuuteqartup Naalakkersuisunut kaammattuutaa, arfernut angisuunut pilattarfeqarnissamut aamma kommuune-ni pilersitsinissatsinnut aqutissiuussilluta pikkorinnerusariaqarnerput Atassut-miit isumaqatigilluinnarparput.

Pisisartut atuisullu tamaasa eqqarsaatigalugit, piniartut aalisartullu pisaminnik namminneq akisussaaffigalugu, kalaalimineerniarfinni tuniniaasarneq pitsanngorsaaaffiginera ajunngivissumik inerisarsimavarput sulili naleqqussaasariaqarnerput avaqqussinnaanngilarput.

Atassut-miit nuannaarutigalugu maluginiarparput, Naalakkersuisut nalunaarusiortoqarnissaanut periusissaasinnaasunik arfinilinnik (6) nalilersorlugit misissorneqartariaqarneranik akuersaartumillu inassuteqarnerat isumaqatigilluinnarparput.

Taamatut akuersaartumik oqaaseqarluta, aalisarnermut piniarnermut ataatsimiititaliami suliap aappassaaneerneqartigani suliareqqaarneqarnissaa Atassut-miit inassutigaarput.

Qujanaq.